

SENTUHAN AJAIB

Dr. Mohd Fuad bin Mokhtar

Jabatan Usuluddin FPI

USAS

Prolog

10 Januari 2017

Imran dikunjungi oleh beberapa orang Islam berketurunan Melayu yang bertanyakan beberapa persoalan agama pada 3 Januari 2017. Mereka menceritakan berkaitan satu kaedah rawatan berasaskan aura yang semakin aktif dan mendapat sambutan di kalangan masyarakat Melayu Islam di Perak terutamanya di daerah Teluk Intan Perak. Imran khusyuk mendengarnya selama 2 jam bertempat di Bahagian Penyelidikan Pejabat Agama Islam Perak. Terasa seperti ada banyak keraguan yang timbul.

Temubual bersama pakar kaunseling

5 Januari 2017

Beberapa hari selepas pertemuan, Imran bersama kumpulan tersebut melakukan temu bual dengan Dr. Hasnah seorang pensyarah kaunseling di Jabatan Usuluddin Universiti Sultan Azlan Shah. Imran terpanggil untuk mengkaji konteks aura dari sudut kaunseling.

Imran: Assalamualaikum Dr, Apa khabar, saya perkenalkan diri saya Imran dan bersama rakan-rakan. Di sini saya ingin menemubual Dr. berkenaan kaedah rawatan yang berasaskan aura.

Imran: Pertama sekali, ingin saya menanyakan adakah dalam bidang kaunseling, terdapat kaedah aura yang digunakan ketika melakukan pemulihan terhadap klien.

Dr Hasnah : Betul, memang ada. Dalam badan manusia ada 18 titik. Titik-titik itu penting bila kita buat sesi pemulihan. Ada masanya kita akan menyentuh titik tersebut dengan menggunakan 2 jari seperti di pergelangan tangan, lengan, kening, dahi, leher dan lainnya.

Imran: Apa namanya kaedah ni Dr dalam istilah kaunseling ?

Dr. Hasnah: Oooo, Energy Psychology ataupun Psikologi Tenaga.

Imran: Wah ini seperti suatu kelainan. Semua orang boleh melakukannya ke Dr ?

Dr Hasnah: Ya, semua orang boleh melakukannya walaupun dia tak pernah belajar.

Imran: Jadi memang tiada kesan sampingan?

Dr Hasnah: Setahu saya tidak ada. Ia perkara semulajadi yang ada dalam badan manusia dan tiada bacaan- bacaan tertentu yang digunakan.

Imran: Pada pandangan Dr adakah ia bercanggah dengan agama?

Dr. Hasnah: Pada hemat saya tidak kecuali jika ia disalah gunakan.

Imran : Boleh Dr terangkan bagaimana rawatan aura itu dilakukan?

Dr. Hasnah : Kaedah rawatannya agak mudah sahaja, yang penting kawalan diri agar positif selalu. Hanya penggunaan tapak tangan sahaja sudah boleh merawat pesakit. Kawalan positif dalam jiwa perawat yang boleh menyembuhkan pesakit. Titik-titik pusat dalam tubuh badan apabila disentuh akan menyembuhkan pesakit. Walaupun kaedah rawatannya agak mudah, proses pembelajaran perlu dilakukan kepada pelatih yang ingin mengamalkan agar teknik yang digunakan betul.

Imran : Ohh begitu, terima kasih Dr di atas penerangan.

Epilog

10 Januari 2017

Imran masih tidak puas hati dan perlukan penjelasan lagi. Imran bercadang untuk menemui pengamal rawatan aura bagi mengetahui cerita sebenar. Imran juga bercadang untuk menemui tokoh-tokoh agama yang berautoriti bagi mengetahui sudut pandang agama. Imran tidak tahu sejauh mana usahanya ini dapat membantu menyelesaikan masalah yang berlaku. Imran akan bekerja keras berusaha bagi memastikan usahanya ini berjaya.

CASE SUMMARY	Kajian kes ini dilakukan di Pusat rawatan Rikie Teluk Intan Perak. Ia satu kajian berkaitan kaedah rawatan yang berasaskan aura. Isu yang berlaku ialah kedapatan perkara-perkara yang meragukan berlaku ketika sesi rawatan dilakukan semada terdapat unsur khurafat atau unsur sedita ada yang memang terdapat dalam kaunseling atau mungkin ia adalah unsur saintifik. Metodologi yang digunakan adalah berdasarkan temubual dan sumber-sumber sekunder dilaman web dan risalah-risalah yang diperolehi dari pusat rawatan tersebut. Hasil dapatan kajian ini mendapati ianya tidak bercanggah dengan agama apabila dilihat dari perspektif kaunseling.	
OBJECTIVES OF THE CASE	(1) Mengetahui kaedah rawatan aura (2) Mengetahui perspektif Islam, kaunseling dan sains	
BASIC PEDAGOGY	COURSE	ISU-ISU AKIDAH
	LEVEL	Ijazah Sarjana Muda
	POSITION IN THE COURSE	RAWATAN ALTERNATIF
RESEARCH METHODOLOGY	Mengumpul data melalui temubual bersama pengamal rawatan aura dan pakar psikology, kitab, karya dan jurnal yang berkaitan.	
DISCUSSION QUESTIONS	(1) Apakah maksud rawatan/pemulihan klien berasaskan aura ? (2) Adakah teknik aura ini bersesuaian dengan kehendak syarak?	
SUGGESTED RESPONSES	(1) Ia adalah kaedah pemulihan yang berasaskan kepada beberapa kaedah seperti sentuhan dan fokus kepada masalah yang ingin diselesaikan. (2) Ianya tidak bercanggah dengan agama Islam kerana ia satu kaedah semulajadi yang ada pada setiap manusia	